

ich ihm das giffte demmen Kan/ welches zu
wissen dir nit vil nutz ist.

Von krafft vnd Wirkung der bainer.

Mit geringere tugent wirdt auch den bair
ner so wol als dem kot / vnd harn zugeaig
net wiewol mans als vnnützlich hinwirfft.
Darauf dann etlicher leut nârrische spitzfin
digkeit erkandt wirdt / die da mit grossem
vnkosten in der weyten suchen ding / so di
sen welche gleichwol dem gemainen vitheyl
nach für ring geschetzt / vnd aber ihrer krafft
vnd Wirkung nach hoch zuhalten seind /
wie ich alsbald anzeygen / vnd beweysen
will / bey weytem nicht zuvergleichem seind.

Von Menschen bainer.

Es haben die Menschen bain neben al
len anderen ein besondere / verboigne Tu
gend / vnd eigenschafft / die fallend sucht zu
vertreyben / wann man dieselbige zu pulser
gestossen einnimmet. wiewol Galenus
kein meldung thât / wie das geschehen / o
der was es für bain sein sollen. Die Arabi
sche Arzet sagen / man soll sie in rotem Wein
einneimen / vnd so ferz der Franck ein manns
bild

bild ist / soll man die hirnschal eines Mannes / wie auch eines weibs / so ein Weibs bild mit der fallenden sucht behafft ist / vmb sonderlicher vergleichung wegen eingeben. Wiewol ich auch andere bain / aussershalb der hirnschal / gepulvert vierzig morgen inn Petonien wasser eingeben hab / vnnnd einer jungen tochter zu Tours / welche diser siechtag offte angriffe / damit geholffen. Es seind auch dise bain / so sie gepulvert in zimmetöl wasser ein zeit lang zu morgens nüchteren eingenommen werden / ein treffliche vnd köstliche argney zu allen wehragen d gleich. Daher sein auch der Schwein vnnnd Kinder Knorren dienstlich / dann so einer dieselbige zu pulfer brennet / vnnnd yemands darab zu trincken gibt / so vertreibt es das auffbleen / vnnnd grimmen vmb den Nabel. Die Knorren aber der Kinder / so man honig darunder mischet / befestiget die zän / so wacken / vnd so mans mit honig trinckt / Tödet es die runde würm des bauchs / wie sie mit oxymel gebrauchet / alle gebrechen des Milz heylen vnnnd vertreyben.

Von dem spachel des Menschen.

Der spachel des Menschen hat dreyerley

b ij

vndec